

100

Figure 1

Abstract

1000

Figure 1. The effect of the number of trials on the number of correct responses.

11. The following table shows the number of people who attended the 2004 Summer Olympics in Athens, Greece, by country. The data are given in thousands of people.

[illegible]

THE NEW YORK PUBLIC LIBRARY

7

1. *Journal of the American Medical Association*, 277, 1996, 1033-1036.

1

繹史卷一

太古第一

開闢原始

列子昔者聖人因陰陽以統天地夫有形者生於無形則天地安從生故曰有太易有太初有太始有太素太易者未見氣也太初者氣之始也太始者形之始也太素者質之始也氣形質具而未相離故曰渾淪渾淪者言萬物相渾淪而未相離也視之不見聽之不聞循之不得故曰易也易無形埒易變而爲一變而爲七七變而爲九九變者究也乃復變而爲一一者形變之始也清輕者上爲天濁重者下爲地故天地含精萬物化

生

白虎通始起先有太初後有太始形既成名曰太素混沌相連視之不見聽之不聞然後剖判清濁既分精出曜布度初應生焉者爲三光號者爲五行生情情生汁中汁中生神

明神明生道德道德生文章

博雅太初氣之始也生於西冲清濁未分也太始形之始也生

於戊仲清者爲精濁者爲形也太素質之始也生於亥仲已有素朴而未散也三氣相接至於

子仲剖判分離輕清者上爲天重濁者下爲地中和爲萬物○二書本列子之說
未升濁氣未沈遊神未靈五色未分中有其物冥冥而性存謂之混沌混沌爲太始太始者元
胎之萌也太始之數一一爲太極太極者天地之父母也一極易天高明而清地博厚而濁謂
之太易太易者天地之變也太易之數二二爲兩儀兩儀者陰陽之形也謂之太初太初者天
地之交也太初之數四四盈易四象變而成萬物謂之太素太素者三才之始也太素之數三
三盈易天地孕而生男女謂之三才三才者天地之備也遊神動而靈故飛走潛化動植蟲魚
之類必備於天地之間謂之大古太古者生民之始
也○此說與前倒異蓋僞書最出近世尤不可憑

淮南子天墜未形馮馮翼翼洞洞瀾瀾故曰大昭道始于虛鄩

虛鄩生宇宙宇宙生氣氣有漢垠清陽者薄靡而爲天重濁者
凝滯而爲地清妙之合專易重濁之凝竭難故天先成而地後
定天地之襲精爲陰陽陰陽之專精爲四時四時之散精爲萬
物積陽之熱氣生火火氣之精者爲日積陰之寒氣爲水水氣
之精者爲月日月之淫爲精者爲星辰天受日月星辰地受水
潦塵埃

五運歷年記元氣濛鴻萌芽茲始遂分天地肇立乾坤啓陰感

陽分布元氣乃孕中和是爲人也首生盤古垂死化身氣成風

雲聲爲雷霆左眼爲日右眼爲月四肢五體爲四極五嶽血液

爲江河筋脈爲地里肌肉爲田土髮髭爲星辰皮毛爲草木齒

骨爲金石精髓爲珠玉汗流爲雨澤身之諸蟲因風所感化爲

黎毗

述異記盤古氏天地萬物之祖也然則生物始於盤古昔盤古氏之死也頭爲四岳目

爲日月脂膏爲江海毛髮爲草木秦漢閒俗說盤古氏頭爲東岳腹爲中岳左臂爲南岳右臂爲北岳足爲西岳先儒說泣爲江河氣爲風聲爲雷目瞳爲電古說喜爲晴怒爲陰吳楚閒說盤古氏夫妻陰陽之始也今南海有盤古氏墓亘三百餘里俗云後人追葬盤古之魂也

三五曆記天地混沌如雞子盤古生其中萬八千歲天地開闢陽清爲天陰濁爲地盤古在其中一日九變神於天聖於地天日高一丈地日厚一丈盤古日長一丈如此萬八千歲天數極高地數極深盤古極長後乃有三皇數起於一立於三成於五盛於七處於九故天去地九萬里○盤古氏名起自雜書恍惚之論荒唐之說耳作史者目爲三才首君何異說夢

眞源賦

盤古氏後有天皇君一十三人時遭劫火乃有地皇君

一十一人各萬八千餘年乃有人皇君兄弟九人結繩刻木四

萬五千六百年

始學篇天地立有天皇十三頭號曰天靈治萬八千歲

遁甲開山圖
天皇被跡在

柱州崑崙山下

三五曆記歲起攝提元氣肇有神

靈一人有十三頭號天皇○洞冥記云一姓十三人

易通卦驗天皇氏之先與乾曜合德君有五期輔有三名

河圖括
地象天

皇九翼提

名旋復

春秋係乾圖天皇於是斟元陳樞以立易威

始學篇地皇十一頭治八千歲

遁甲開山圖地皇
興於熊耳龍門山

春秋命歷序天皇氏以木王地皇氏以火紀

淮南子泰古二皇得道之柄立於中央神與化游以撫四方是

故能天運地帶輪轉而無廢水流而不止與萬物終始

○天皇地皇
稱為二靈是

泰古二皇也注謂

伏羲神農者非

始學篇人皇九頭兄弟各三百歲依山川土地之勢裁度為九

州各居其一方因是而區別

通甲開山圖人皇生於刑馬山提地之國春秋命歷序人皇氏駕六蜚鹿政三百歲

尚書璇璣鈴人

皇氏九頭駕六羽乘雲車出谷口分九州

皇氏九頭駕六羽乘雲車出谷口分九州

文子九皇之制主不虛王臣不虛貴階級尊卑名號自居吏民

於次者無國歷寵歷錄副其所付授與天人參相結連鉤考之

具不備也

○秦博士稱古有天皇地皇泰皇奉皇最貴即人皇也亦號九皇

春秋元命苞天地開闢至春秋獲麟之歲凡二百二十六萬七

千年分為十紀其一曰九頭紀

○即人皇氏厭倦塵事乃授籙於五姓

真源賦人皇

二曰五龍

紀

春秋命歷序皇伯皇仲皇叔皇季皇少五姓同期俱駕龍號曰五龍

三曰攝提紀

○五十九姓

四

曰合雒紀

○四姓

五曰連通紀

○六姓

六曰敘命紀

○四姓

七曰循蜚

紀

○鉅靈氏以下二十二氏遁甲開山圖鉅靈胡者偏得神元之道造山川出江河神化之宜與元氣齊生為九元真母

八曰因提紀

○十三氏

壺書皇次四世蜀山倬魄六世渾敦七世東戶十七世皇覃七世啓統三世吉夷四世几渠一世稀韋四世大巢二世遂皇四世庸成八世凡六十八世是爲因提之紀

九曰

禪通紀

丹壺書倉頡一世柏皇二十世中夫四世火庭五世栗陸五世麗連十一世軒轅三世赫胥一世葛天四世宗慮五世祝融二世吳英九世有巢七世朱襄三世陰康三

世無懷六世凡八十八世是爲禪通

十曰疏仡紀

○自黃帝以訖於周 補推天地辟設人皇以來至魯哀公十有四年積

二百七十六萬歲分爲十紀曰九頭五龍提合雄建通序命修輩因提禪通流記○此字有不同蓋轉訛耳

三墳太古之人皆壽盈易始三男三女冬聚夏散食鳥獸蟲魚

草木之實而男女構精以女生爲姓始三頭謂之合雄紀生子

三世合雄氏沒子孫相傳記其壽命謂之敘命紀通紀四姓生

子二世男女衆多羣居連逋從強而行是謂連逋紀生子一世

通紀五姓是謂五姓紀天下羣居以類相親男女衆多分爲九

頭各有居方故號居方氏沒生子三十二世強弱相迫欲相吞

害中有神人提挺而治故號提挺氏提挺氏生子三十五世通

紀七十二姓故號通姓氏

○此與元命苞所說倒異
子思子東戶氏之熙載也
紹荒也遺美好垂精拱默而九寰以承流當是之時禽

獸成羣竹木遂長道上顏行而不拾遺耕者餘餼宿之隴首其歌樂而無謠其哭哀而不聲皆至德之世也

元倉子凡蓬氏之御天下也不治而不亂天下之人惟知母不知父鵲居穀飲而不求名譽書則旅行夜則類處及其死也豪昇風化而已命之曰知生之民○莊子稱冉相氏渾沌氏稀韋氏鵬冠子稱成鳩氏命歷序稱黃神氏狌神氏辰放氏離光氏洛書稱大民氏及諸雜書所稱諸氏多矣惟有巢燧人功德在民似非鳥有者流今錄於左

始學篇上古皆穴處有聖人教之巢居號大巢氏

三墳有巢氏生太古之先俾人居巢穴積

鳥獸之肉聚草木之實天下九頭咸歸有巢始君也壽一太易本通姓氏之後也
遁甲開山圖石樓山在琅琊昔有巢氏治此山南

古史考太古之初人吮露精食草木實穴居野處山居則食鳥

獸衣其羽皮飲血茹毛近水則食魚鼈螺蛤未有火化腥臊多

害腸胃於是有聖人以火德王造作鑽燧出火教人熟食鑄金

作刃民人大說號曰燧人

拾遺記遂明國有大樹名遂屈盤萬頃後世有聖人遊日月之外至於其國有鳥啄樹繁然火出聖人感焉因

用小枝鑽火號燧人氏

三墳燧人氏有巢子也生而神靈教人炮食鑽木取火天下生靈尊事之始有日中之市交易其物有傳教之臺有結繩之政壽一太易本通姓氏之後也

尸子燧人上觀星辰下察五木以爲火 燧人之世天下多水

故教人以漁

說文燧人榮子所造
燧人榮子所造

論語摘輔象燧人四佐明由曉升級必育受稅俗成博受古諸

隕丘受延嬉燧人出天四佐出世

易通卦驗燧皇始出握機矩表計寅圖其刻
曰蒼牙通靈昌之成孔演命明道經虞義作

易仲命德維紀衡周文增通八八之節轉序三百八十四爻
以繫王命之瑞故正其本而萬物理失之毫釐差以千里

陽子居之言曰太古之事滅矣孰誌之哉屈原曰遂古之初

誰傳道之三復斯言而知稽古之難信考論者之無徵也夫

二子者生當周季去古未遠而已歎古初之莫紀矧百世以

下遭秦燔滅之餘而妄稱上世之遺事豈不亦迂誕哉夫物

必有所自始事必有所由起乾坤定位萬彙繁滋民生總總

氣稟不一意必有人焉首出庶物以爲之主者由是君道立

矣第文字未興史官未設伊昔之政教約束固甚簡略也孰能默識傳述俾歷世罔或失墜然則盤古以上謂無君乎吾不得而知也天皇以下之君謂盡可指數乎吾亦弗敢信也人壽之不齊今猶古矣黃帝在位百年繼此者唐帝殷宗越周文考多歷年所顧不數見也何獨洪濛之辟皆身歷運會抑堯舜齊聖朱均不移武周竝生管蔡用畔高陽高辛氏之子有才有不才矣安得九頭五龍德皆神異分理寰區無或殂落兄弟各一萬八千歲哉信如十紀之說名不雅馴薦紳之所難言卽所稱二百二十六萬餘年分爲十紀則紀約二十餘萬年因提六十八世禪通九十餘世世當得三千年而一姓或止二三世則是享年有永祚世爲不長也疏仡始黃

帝以訖獲麟不過二千年耳方之以前修短不倫忽焉與魯
史春秋同時絕筆何其舛與太古未嘗無君也泰山梁父之
形兆垠塉仲尼不能盡識與夫管莊之所稱道戎夫之所訓
戒倚和之所能讀或在書契以前或經孔子刪棄是皆無裨
於政治罔資於問學者也舍詩書六藝之文而妄信諸子讖
緯之雜說未能悉三代之世及而遠求洪荒以上之氏號斯
好奇者之過也尚論者斷自庖犧氏可矣

繹史卷一

太古第一

繹史卷二

太古第二

皇王異說

爾雅林烝天帝皇王后辟公侯君也

白虎通帝王者何號也號者功之表也所以表功名德號令臣

下者也德合天地者稱帝仁義合者稱王別優劣也皇者何謂

也亦號也皇君也美也大也天之總美大稱也時質故總之也

號之爲皇者煌煌人莫違也煩一夫擾一士以勞天下不爲皇

也不擾匹夫匹婦故爲皇故黃金棄於山珠玉捐於淵巖居穴

處衣皮毛飲泉液吮露英虛無寥廓與天地通靈也號言爲帝

者何帝者諦也象可承也王者往也天下所歸往

尚書刑德考帝者天號也王者人稱也天

有五帝以立名人有三王以正度天子爵稱也皇者煌煌也獨斷皇者煌也盛德煌煌無所

不照帝者諦也能行天道事天審諦帝王世紀孔子稱天子之德感天地洞八方是以化合

皇王異說

神者稱皇德合天地者稱帝仁義合者稱王
樂稽耀_盛德象天地爲帝仁義所生爲王

風俗通皇者天天不言四時行焉百物生焉三皇垂拱無爲設
言而民不違道德玄泊有似皇天故稱曰皇皇者中也光也弘
也含弘履中開陰布剛上含皇極其施光明指天畫地神化潛
通煌煌盛美不可勝量天立五帝以爲相四時施生法度明
察春夏慶賞秋冬刑罰帝者任德設刑以則象之言其能行天
道舉錯審諦

春秋繁露德備天地者稱皇帝天祐而子之號稱天子

獨斷天王諸夏之所稱天下之所歸往故稱天王天子夷狄之
所稱父天母地故稱天子

白虎通或稱天子或稱帝王何以爲接上稱天子明以爵事天

也接下稱帝王者得號天下至尊之稱以號令臣下也

說文古之造文者三畫而連其中謂之王三者天地人也而參

通之者王也

○本董子說春秋考文耀王者往也神所輸向人所樂歸

古之神聖人母感天而生

子故曰天子

淮南子帝者體太一王者法陰陽霸者則四時君者用六律秉

太一者牢籠天地彈壓山川含吐陰陽伸曳四時紀綱八極經

緯六合覆露照導普汜無私蠓飛蠕動莫不仰德而生陰陽者

承天地之和形萬殊之體含氣化物以成埒類羸縮卷舒淪於

不測終始虛滿轉於無原四時者春生夏長秋收冬藏取予有

節出入有時開闔張歛不失其敘喜怒剛柔不離其理六律者

生之與殺也賞之與罰也予之與奪也非此無道也故謹於權

衡準繩審乎輕重足以治其境內矣

禮斗威儀帝者得其根核王者得其英華霸者得其附枝故帝道不行不能王

王道不行不能霸霸道不行不能守其身

新論無制令刑罰謂之皇有制令而無刑罰謂之帝賞善誅惡

諸侯朝事謂之王興兵約盟以信義矯世謂之伯

風俗通易稱天先春而後秋地先生而後凋日月先光而後幽

是以王者則之亦先教而後刑三皇結繩五帝畫像三王肉刑

五霸黠巧此言步驟稍有優劣也

孝經鉤命訣三皇步五帝驟三王馳五霸鶩

管子明一者皇察道者帝通德者王謀得兵勝者霸

呂氏春秋五帝先道而後德故德莫盛焉三王先德而後事故

事莫功焉五霸先事而後兵故兵莫強焉

獨斷皇王后帝皆君也上古天子庖犧氏神農氏稱皇堯舜稱

帝夏殷周稱王

潛夫論世傳三皇五帝多以伏羲神農爲三皇其一者或曰燧人
或曰祝融或曰女媧其是與非未可知也

○諸說見後

尚書大傳遂人爲遂皇伏羲爲戲皇神農爲農皇也遂人以火紀火太陽也陽尊故託遂皇於天伏羲以人事紀故託戲皇於人神農悉地力種穀疏故託農皇於地天地人道備而三五之運興矣

白虎通三皇者何謂也謂伏羲神農燧人也或曰伏羲神農祝融也謂之燧人何鑽木燧取火教民熟食養人利性避臭去毒謂之燧人也謂之祝融何祝者屬也融者續也言能屬續三皇之道而行之故謂祝融也

禮含文嘉三皇處戲燧人神農伏者別也變也戲者獻也法也
伏羲始別八卦以變化天下天下法則咸伏貢獻故曰伏羲也
燧人鑽木取火炮生爲熟令人無復腹疾有異於禽獸遂天之
意故曰遂人也神農神者信也農者濃也始作耒耜教民耕種
美其衣食德濃厚若神故爲神農也

春秋運斗樞伏羲女媧神農是三皇也

白虎通五帝者何謂也禮曰黃帝顓頊帝嚳帝堯帝舜五帝也
黃者中和之色自然之性萬世不易黃帝始作制度得其中和
萬世常存故稱黃帝也謂之顓頊何顓者專也頊者正也能專
正天人之道故謂之顓頊也謂之帝嚳者何也嚳者極也言其
能施行窮極道德也謂之堯者何堯猶晃晃也至高之貌清妙